



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
9-200

Xuv Cuaj – Cov Cai Kev Yuam Siv

Kev Tshawb Nrhiav thiab Kev Ywv

9-202 Cov Kev Tshawb Nrhiav Uas Tsis Muaj Ntawv Tso Cai
(07/01/11) (01/25/16) (06/29/16) (10/15/16) (06/28/17) (xx/xx/23)

I. Lub Hom Phiaj

- A. Lub hom phiaj ntawm txoj cai no yog los ua kom ntseeg siab tias tib neeg qhov kev ntiag tug thiab lub meej mom tau txais kev pov thaiv zoo npaum li zoo tau.
- B. Txoj cai no yog tau npaj tseg txhawm rau muab cov lus qhia fab kev cai lij choj rau cov neeg ua hauj lwm txhawm rau ua cov kev tshawb nrhiav thiab cov kev ywv uas raug raws cai lij choj.

II. Cov Ntsiab Lus Txhais

Hom Lus Uas Muaj Tseg: Cov lus los sis cov kab lus uas muaj raug raws li tus qauv cai, "soj lus uas muaj tseg lawm" los sis muaj qauv thiab uas tsis piav qhia txog qhov teeb meem los sis qhov xwm txheej los sis cov xwm txheej tshwj xeeb (xws li "kev ua ub ua no uas zais npog"). Muaj kev txwv los sis tsis pub siv hom lus uas muaj tseg, raws li tau piav qhia nyob rau hauv txoj cai.

Cov Qauv Cai Uas Raug Raws Cai:

Qhov Muaj Txaus Los Zoo Liam: Tus qauv cai uas raug raws cai lij choj uas muaj kev caj ncees uas tsawg tshaj Lub Laj Thawj Uas Yuav Mus Taus tab sis ntau tshaj li qhov kev khwv yees los sis kev ua xyem xyav raws li ncuav dav.

1. Qhov Muaj Txaus los zoo liam, uas yog qhov tuaj yeem piav qhia tau meej, nyob ntawm qhov xwm txheej uas tus neeg ua hauj lwm tsoom kwm saib thiab cov kev khwv yees uas muaj zoo laj thawj uas yog los ntawm neeg ua hauj lwm li kev cob qhia thiab kev paub.
2. Qhov Kev Ua Xyem Xyav Uas Muaj Zoo Laj Thawj tuaj yeem yog qhov tshwm sim tawm los ntawm kev sib sau ua ke cov ntaub ntawv tseeb tiag, uas tej zaum saib zoo li yuav tsis muaj kev phom sij nyob rau hauv thiab ntawm lawv tus kheej, tab sis thaum sib sau ua ke lawm yuav dhau mus ua Qhov Kev Ua Xyem Xyav Uas Muaj Zoo Laj Thawj.
 - a. Qhov Kev Ua Xyem Xyav Uas Muaj Zoo Laj Thawj tsim nyog pom muaj nyob rau hauv cov ntaub ntawv tseeg tiag los sis cov kev tsoom kwm saib tshwj xeeb thiab ncaj ncees hais txog txoj hauv kev uas tus tib neeg ntawd coj cwj pwm, tej yam uas tus tib neeg ntawd tau pom los sis hnov tab tom ua, thiab cov xwm txheej los sis cov teeb

meem uas cuam tshuam rau tus neeg ntawd, raws li muaj pov thawj los sis paub los ntawm tus neeg ua hauj lwm.

- b. Yog li ntawd, Qhov Kev Ua Xyem Xyav Uas Muaj Zoo Laj Thawj yuav tsum raug piav qhia uas muaj hais txog cov ntaub ntawv tseeb tiag los sis cov kev tsum kwm saib hais txog tus neeg ntawd cov kev nqis tes tshwj xeeb los sis cov xwm txheej txhwj xeeb uas tus neeg ua hauj lwm ntsib.
- c. Saib raws li P&P 5-104, cov yam ntxwv fab lub cev ntaj ntsug ntawm tus neeg ntawd, los ntawm lawv tus kheej, yog muaj tsis txaus. Dhau ntawm, qhov tej zaum cov neeg ua hauj lwm yuav ua zoo saib rau cov lus piav qhia uas tau tshaj tawm nyob rau hauv P&P 5-104 ntawm tus neeg uas xav tias muaj kev txhaum los sis cov neeg uas xav tias muaj kev txhaum tshwj xeeb uas siv cov ntaub ntawv uas txaus ntseeg, tuaj yeem ntseeg tau, tshiab tshaj plaws, cov ntaub ntawv raws zej zog uas txuas qhov kev ua ub ua no tshwj xeeb, tau ua xyem xyav, tsis raug raws cai lij choj los sis ua xyem xyav nrog rau tus neeg los sis pab pawg neeg tshwj xeeb, thiab thaum qhov kev piav qhia muaj cov feem xyuam kev txheeb xyua, (xws li khaub ncaws hnav los sis lub tsheb uas tau cuam tshuam).

Lub Laj Thawj Uas Yuav Mus Taus: Thaum tau ua zoo saib rau cov ntaub ntawv tseeb tiag thiab cov xwm txheej tag nrho, paub tus neeg ua hauj lwm nyob rau lub sij hawm qhov kev ntes, yuav tsim ua rau tus neeg ua hauj lwm ntseeg tias tus neeg ntawd tau ua txhaum los sis tab tom ua txhaum uas yog kev ua phem. Zoo ib yam nkaus li Qhov Kev Ua Xyem Xyav Uas Muaj Zoo Laj Thawj, Lub Laj Thawj Uas Yuav Mus Taus yog saib raws li kev ntsuam xyuas uas ncaj ncees rau cov ntaub ntawv uas tseeb tiag thiab cov xwm txheej uas tus neeg ua hauj lwm tau nthuav qhia tawm los sis ua rau paub.

Kev Tshawb Nrhiav: Qee zaus tau hu ua "kev tshawb nrhiav txhij txhua (full search," Qhov Kev Tshawb Nrhiav yog qhov kev kuaj xyuas, kev tshawb xyuas los sis kev saib cov tib neeg, cov chaw los sis cov khoom uas tus neeg ntawd vam khom kev ntiag tug uas raug raws cai.

1. Qhov Kev Tshawb Nrhiav tsis yog yuav siv qhov muag saib nkaus xwb; tej zaum nws suav nrog kev tuav, kev cev tes xuas los sis kev kuaj xyuas cov tib neeg los sis cov khoom (xws li kev ntxig tes xuas lub hnab los sis lub hnab ris, kev saib sab hauv ntawm pob tw tsheb; kev xuas thoob plaws lub hnab khoom, thiab lwm yam).
2. Nyob rau qee xwm txheej, tej zaum kev siv aub hnia ntshiab yuav xam tias yog Kev Tshawb Nrhiav ib yam nkaus (saib P&P 7-807 Kev Siv Cov Aub Uas Tau Txais Kev Tso Cai).
3. Kev txheeb sau qee leej neeg li DNA los ntawm lawv tus neeg yog qhov Kev Tshawb Nrhiav.
4. Tej zaum qhov Kev Tshawb Nrhiav yuav tsis cuam tshuam rau kev tshawb nrhiav fab lub cev ntaj ntsug: nws tuaj yeem suav nrog kev tshawb nrhiav qee hom ntaub ntawv sau tseg los sis cov ntaub ntawv.

III. Txoj Cai

A. Cov Kev Tshawb Nrhiav Raws Li Kev Cai Lij Choj

1. Minneapolis Lub Tuam Tsev Hauj Lwm Ntsig Txog Tub Ceev Xwm (Police Department) cov neeg ua hauj lwm yuav ua cov kev tshawb nrhiav nyob rau tus yam ntxwv uas muaj kev cuam tshuam tsawg npau li tsawg tau, thiab tsuas saib raws li MPD txhua txoj cai thiab txhua cov kev muaj cai uas tau muaj rau tib neeg raws li Teb Chaws Mes Kas Tsab Cai Lij Choj thiab Xeev Mennesota Tsab Cai Lij Choj xwb.
2. Raws li ncuav dav lawm Teb Chaws Mes Kas Tsab Cai Lij Choj teeb tseg tias kom lub chaw yuam siv kev cai lij choj yuav tsum tau txais Daim Ntawv Tso Cai Tshawb Nrhiav ua ntej ua qhov Kev Tshawb Nrhiav. Txawm li cas los xij, muaj cov kev zam uas muaj ciam txwv rau txoj cai teeb tseg rau daim ntawv tso cai (saib hauv qab).
3. Vim yog txoj kev cai lij choj xwm txheej uas cuam tshuam rau Cov Kev Tshawb Nrhiav muaj kev hloov pauv yam tsis tu ncuav thiab nce rau kev ntaus nqi los ntawm cov tsev hais plaub, cov neeg ua hauj lwm thiaj yuav tau txais kev ceeb toom txog cov kev hloov kho dua tshiab fab kev cai lij choj uas tau xa los ntawm MPD hais txog Cov Kev Tshawb Nrhiav. Thaum muaj qhov kev ua xyem xyav rau qhov kev muaj los sis kev tuaj yeem siv tau qhov kev zam rau txoj cai teeb tseg rau Daim Ntawv Tso Cai Tshawb Nrhiav, cov neeg ua hauj lwm tsim nyog siv sij hawm los thov Daim Ntawv Tso Cai Tshawb Nrhiav (P&P 9-301).

B. Kev Nkag Mus Rau Hauv Cov Chaw Nyob thiab Cov Vaj Tsev Uas Tsis Yog Zej Tsoom Li

Raws li ncuav dav lawm cov kev ntes yam uas tsis muaj ntawv tso cai nyob rau hauv tsev yog qhov uas tsis muaj kev txaus siab vim kev nkag mus rau hauv lub tsev yog qhov kev ua phem loj uas muaj kev qhia kom ceev faj txog cov lus piav qhia ntawm qhov Kev Hloov Kho Thib Plaub. Teb Chaws Mes Kas Lub Tsev Hais Plaub Qib Siab tau ua raws li qhov kev saib pom los ntev lawm tias txheej txheem kev tawm ntawv tso cai yuav txo tau kev phom sij ntawm cov kev tsoo nkag mus uas tsis tsim nyog. Yog li ntawd, yog tias tsis muaj cov xwm txheej uas maj ceev, ces lub chaw yuam siv kev cai lij choj yuav tsum thov daim ntawv tso cai ua ntej nkag mus rau hauv lub chaw nyob muaj tswv ntiag tug los sis lub tuam tsev uas tsis yog zej tsoom li uas muaj qhov kev vam khom txog kev ntiag tug yam uas muaj zoo laj thawj txhawm rau ua qhov kev ntes los sis ua qhov Kev Tshawb Nrhiav.

C. Cov Kev Zam rau Txoj Cai Teeb Tseg Rau Daim Ntawv Tso Cai

Tej zaum cov kev tshawb nrhiav tib neeg, cov tsheb thiab cov tuam tsev yuav ua tau yam uas tsis muaj daim ntawv tso cai nyob rau hauv cov xwm txheej uas muaj ciam txwv xwb. Cov kev zam rau txoj cai teeb tseg ntawm daim ntawv tso cai yog tau piav qhia luv - luv nyob rau hauv qab. Daim ntawv thov tshwj xeeb ntawm cov kev zam rau Cov Kev Tshawb Nrhiav cov tib neeg, cov tsheb thiab cov tuam tsev yog tau piav qhia nyob rau hauv cov tshooj uas tau cuam tshuam raws li Cov Txheej Txheem.

1. Lub Laj Thawj Uas Yuav Mus Taus Ntawm Kev Tshawb Nrhiav

a. Kev Tshawb Nrhiav xwm txheej txhawm rau ntes

Thaum tus neeg ua hauj lwm muaj Lub Laj Thawj Uas Yuav Mus Taus txhawm rau ua qhov kev ntes rau qhov kev txhaum uas tau cuam tshuam, muaj cai los ua qhov kev ntes, thiab muaj lub hom phiaj los ua qhov kev ntes, ces tej zaum tus neeg ua hauj lwm yuav ua qhov Kev Tshawb Nrhiav xwm txheej yam uas tsis muaj daim ntawv tso cai los ntes, uas suav nrog qhov Kev Tshawb Nrhiav tus tib neeg uas raug ntes thiab cheeb tsam uas nyob rau hauv lawv li kev tswj tam sim ntawd. Qhov kev zam rau Kev Tshawb Nrhiav xwm txheej txhawm rau ntes tsuas siv tau rau cov kev ua phem, cov kev ua txhaum loj, thiab cov kev ua txhaum uas muaj lub laj thawj Txoj Kev Cai 6 xwb.

b. Kev ntsia pom raws li ib txwm

Thaum cov khoom nyob rau hauv qhov "kev ntsia pom raws li ib txwm" ntawm tus neeg ua hauj lwm uas muaj cai uas yuav nyob rau hauv lub luag hauj lwm yuav ntsia pom, thiab tus uas muaj Lub Laj Thawj Uas Yuav Mus Taus uas ntseeg tias cov khoom nyob rau hauv kev ntsia pom raws li ib txwm yog cov khoom txhaum cai, tus neeg ntawv yuav rau tshawb txawm tsis muaj daim ntawv tso cai.

c. Lub Laj Thawj Uas Yuav Mus Taus Ntawm Cov Kev Tshawb Nrhiav cov tsheb

Vim yog cov tsheb uas tuaj yeem siv tau tuaj yeem khiav tau, es tej zaum cov neeg ua hauj lwm thiaj li ua qhov Kev Tshawb Nrhiav yam uas tsis muaj ntawv tso cai yog tias muaj Lub Laj Thawj Uas Yuav Mus Taus uas ntseeg tias lub tsheb ntawd muaj pov thawj ntawm qhov kev ua phem los sis khoom txhaum cai. Saib tshooj hais txog cov kev tshawb nrhiav tsheb rau ntaub ntawv kev paub ntxiv txog cov ciam txwv ntawm cov kev tshawb nrhiav uas hais los ntawd.

2. Cov xwm txheej uas maj ceev

Qhov Kev Tshawb Nrhiav yam uas tsis muaj ntawv tso cai uas tau ua vim yog cov xwm txheej maj ceev yuav muaj kev siv tau mus kom ntev li ntev tau thaum uas tseem muaj cov xwm txheej maj ceev. Thaum uas xaus qhov kev maj ceev lawm, tej qhov Kev Tshawb Nrhiav ntxiv yuav tsum muaj laj thawj raws li daim ntawv tso cai los sis lwm qhov kev zam txoj cai teeb tseg rau daim ntawv tso cai.

a. Xwm txheej ceev fab kev kho mob/Kev cawm txoj sia

Yog tias tus neeg ua hauj lwm muaj qhov kev ntseeg tau yam uas muaj zoo laj thawj tias yuav tsum tau muaj kev pov thaiv txoj sia los sis kev nyab xeeb ntawm tus neeg ntawd tam sim ntawd, ces tej zaum lawv yuav ua qhov Kev Tshawb Nrhiav yam uas tsis muaj ntawv tso cai yog tias lawv ua qhov kev tshawb nrhiav uas tsis muaj kev txhawb dej siab los sis kev xav kom nrhiav pov thawj los sis ua qhov kev ntes, thiab

lawv muaj lub hauv paus uas muaj zoo laj thawj, kev nkag mus ze rau Lub Laj Thawj Uas Yuav Mus Taus, txhawm rau txuas qhov xwm txheej ceev nrog rau tus neeg ntawd los sis qhov chaw uas yuav raug tshawb nrhiav.

b. Kev rhuav tshem pov thawj

Thaum cov neeg ua hauj lwm muaj qhov kev ntseeg tau yam uas muaj zoo laj thawj tias qhov pov thawj ntawm qhov kev ua phem tab tom yuav raug muab tshem tawm los sis raug rhuav tshem, ces tej zaum cov neeg ua hauj lwm yuav ua kev nkag yam uas tsis muaj ntawv tso cai mus rau hauv qhov chaw nyob los sis lub tuam tsev uas tsis yog zej tsoom li uas muaj qhov kev vam khom txog kev ntiag tug yam uas muaj zoo laj thawj, txhawm rau ceev kev ruaj ntseg ntawm qhov chaw thiab qhov pov thawj thiab ceev cai qhov chaw uas muaj xwm txheej kom txog thaum tau txais daim ntawv tso cai.

c. Maj caum qab

Tej zaum cov neeg ua hauj lwm yuav nkag mus rau hauv qhov chaw nyob los sis lub tuam tsev uas tsis yog zej tsoom li uas muaj qhov kev vam khom txog kev ntiag tug yam uas muaj zoo laj thawj yog tias lawv maj caum tus neeg uas xav tias tau ua phem uas khiav tawm.

3. Kev pom zoo

Yog tias, nyob rau ncuaj sij hawm qhov xwm txheej uas tsis yog qhov Kev Lav Kom Nres Ua Kev Tshawb Xyuas ntawm tus tib neeg los sis lub tsheb, tus neeg ua hauj lwm muaj Muaj Txaus Los Liam tias tau muaj kev ua phem, thiab Muaj Txaus Los Liam tias tus neeg ntawd tau cuam tshuam rau qhov kev txhaum los sis muaj pov thawj ntawm qhov kev txhaun los sis qhov chaw uas yuav raug tshawb nrhiav muaj pov thawj ntawm qhov kev txhaum, ces tus neeg uas muaj hwjchim muab kev pom zoo yuav muab kev pom zoo rau qhov Kev Tshawb Nrhiav yam uas tsis muaj ntawv tso cai uas muaj cheeb tsam tau teeb tseg thiab yuav thim qhov kev pom zoo thaum twg los tau, nyob rau ntawm kev txwv uas nyob hauv tshooj Cov Txheej Txheem.

4. Khoom lag luam

Cov Kev Tshawb Nrhiav khoom lag luam yog kev kav tswj nyob rau tus yam ntxwv thiab tau ua kev nqis tes txhawm rau pov thaiv thiab rau npe rau qhov khoom ntawm tus neeg uas raug ntes los sis qhov khoom nyob rau hauv lub tsheb uas raug ywv.

5. Cov Kev Kuaj Riam Phom

Los kuj hu ua “frisk” los sis “Terry Frisk,” qhov Kev Kuaj Riam Phom yog qhov kev siv ob txhais tes nthuav lub xib tes los xuas tus neeg txheej khaub ncaws sab nrauv yog ib pliag ntshis xwb nrhiavriam phom. Cov Kev Kuaj Riam Phom yuav raug ua saib raws li P&P 9-201.

6. Kev kuaj xyuas Kev Pom Zoo Uas Tsis Yog Ncaj Nraim thiab kev kuaj kev ua pa

Tej tus neeg uas tsav tsheb, ua hauj lwm, los sis tswj lub tsheb nyob rau hauv Minnesota cov kev pom zoo, raws li cov kev cai ntawm Tsab Cai MN cov tshooj 169A.50 txog 169A.53 (txoj cai lij choj kev pom zoo uas tsis yog ncaj ncaim), thiab tshooj 169A.20 (kev tsav tsheb thaum tsis taus), txhawm rau kuaj tshuaj khes mis rau lub hom phiaj kev txiav tsim seb puas muaj cawv, yeeb tshuaj uas raug tswj los sis mes tas npaus lais (metabolite), los sis cov yeeb tshuaj uas ua rau qaug. (Tsab Cai MN tshooj 169A.51 Subd. 1)

a. Kev kuaj ua ntej

Thaum tus tub ceev xwm muaj kev ntseeg tau los ntawm tus yam ntxwv uas tus neeg ntawd tab tom tsav tsheb, tab tom siv, tab tom tswj, los sis tus yam ntxwv nws coj rau thaum tab tom nqis tawm ntawm lub tsheb, los sis twb tsav tsheb, twb siv, los sis twb tswj lub tsheb, tias tej zaum tus neeg tsav tsheb yuam cai los sis twbyuam tsab cai MN tshooj 169A.20 (kev tsav tsheb thaum tsis taus), Tsab Cai MN 169A.31 (Haus cawv rau lub sijhawm tsav tsheb npav kawm ntawv lossis tsav tsheb npav Head Start), los sis Tsab Cai MN 169A.33 (kev haus cawvthiab kev tsav tsheb tsis muaj hnub nyoog), tus tub ceev xwm yuav kom tus neeg tsav tsheb muab tshuab ib pa qauv coj los kuaj ua ntej uas tau kev tso cai los ntawm tus thawj coj ntsuam xyuas rau lub hom phiaj no. (Tsab Cai MN tshooj 169A.41 Subd. 1)

b. Kev kuaj kev ua pa fab tshuam khes mis (chemical)

Tej zaum yuav tsum tau ua kev kuaj kev ua pa fab tshuaj khes mis ntawm tus neeg thaum tus tub ceev xwm muaj lub laj thawj uas yuav mus taus uas ntseeg tias tus neeg ntawd tau tsav tsheb, ua hauj lwm los sis tswj lub tsheb, thaum tsis taus (Tsab Cai MN tshooj 169A.20), thiab ib qhov ntawm cov yam ntxwv uas tau hais tseg nyob rau hauv Tsab Cai MN tshooj 169A.51 Subd. 1(b) muaj.

D. Kev Ceev Xwm Tsis Xaiv Ntsej Muaj

Saib raws li P&P 5-104, cov neeg ua hauj lwm raug txwv tsis pub siv tej qhov twg ntawm cov hom los sis cov lus piav qhia nyob rau hauv P&P 5-104 ua feem xyuam rau kev tsim Qhov Kev Ua Xyem Xyav Uas Muaj Zoo Laj Thawj los sis Lub Laj Thawj Uas Yuav Mus Taus, tshwj tsis yog tias:

Tej zaum cov neeg ua hauj lwm yuav ua zoo saib rau cov lus piav qhia uas tau tshaj tawm nyob rau hauv P&P 5-104 ntawm tus neeg uas xav tias muaj kev txhaum los sis cov neeg uas xav tias muaj kev txhaum tshwj xeeb uas siv cov ntaub ntawv uas txaus ntseeg, tuaj yeem ntseeg tau, tshiab tshaj plaws, cov ntaub ntawv raws zej zog uas txuas qhov kev ua ub ua no tshwj xeeb, tau ua xyem xyav, tsis raug raws cai lij choj los sis ua xyem xyav nrog rau tus neeg los sis pab pawg neeg tshwj xeeb, thiab thaum qhov kev piav qhia muaj cov feem xyuam lwm yam tsim nyog tshawb (xws li khaub ncaws hnav los sis lub tsheb uas tau cuam tshuam).

E. Cov Kev Tshawb Nrhiav Saib Raws Li Tus Ntxhiab Xas (Tshuaj Xas)

1. Cov neeg ua hauj lwm yuav tsis ua qhov Kev Tshawb Nrhiav ntawm tus tib neeg, lub tsheb, cov khoom ntawm lub tsheb, los sis cov neeg nyob rau hauv lub tsheb yog tias lub hauv paus ntawm qhov Kev Tshawb Nrhiav yog tus neeg ua hauj lwm hnov ntxhiab xas (tshuaj xas) xwb.
2. Txoj cai no tsis cheem cov neeg ua hauj lwm kuaj los ntawm seem tsis qaug cawv rau thaum lub sij hawm tsheb nres.

F. Kev Yog Poj Niam-Txiv Neej thiab Cov Kev Tshawb Nrhiav

1. Saib raws li P&P 7-3001, LGBTQIA+ cov neeg hloov cev, cov neeg uas yog poj niam txiv neej tib si, thiab cov neeg uas tsis yog poj niam txiv neej tib si yuav tsis raug ua cov txheej txheem kev kuaj thiab tshawb nrhiav uas muaj kev ua phem ntxiv, tsim ua rau txaj muag, los sis thuam dhau ntawm cov neeg uas nyob rau ntawm tshav puam los sis nyob rau hauv tub ceev xwm qhov chaw.
2. Rau qhov Kev Tshawb Nrhiav cov neeg ua hauj lwm yuav, thaum ua tau, nug cov neeg uas hloov cev, cov neeg uas yog poj niam txiv neej tib si, thiab cov neeg uas tsis yog poj niam txiv neej tib si hais txog lawv qhov kev nyiam uas yuav cia tus neeg ua hauj lwm uas yog poj niam los sis txiv neej los tshawb nrhiav lawv.

Piv txwv, "Koj nyiam kom tus tub ceev xwm uas los tshawb nrhiav koj yog poj niam los txiv neej?"

- a. Yuav tau ua raws li cov neeg ntawd qhov kev nyiam, thaum ua tau.
- b. Tej zaum tus neeg ntawd yuav raug txheeb xyuas tias yog tus neeg hloov cev, lgbtqia, yog poj niam txiv neej tib si, los sis tsis yog poj niam txiv neej tib si yog tias tus neeg ntawd ceeb toom qhia rau tus neeg ua hauj lwm tias lawv yog neeg hloov cev, yog poj niam txiv neej tib si, los sis tsis yog poj niam txiv neej tib si, los sis yog tias tus neeg ua hauj lwm muaj lub laj thawj uas ntseeg tias tej zaum tus neeg ntawd yog neeg hloov cev, yog poj niam txiv neej tib si, lgbtqia+, los sis tsis yog poj niam txiv neej tib si uas saib raws li kev piav qhia txog kev yog poj niam los txiv neej los sis kev sib tham ua ntej ntawd.

G. Kev Ncaj Ncees Raws Txheej Txheem

1. Cov neeg ua hauj lwm yuav siv cov cai kev ncaj ncees raws txheej txheem thaum ua Cov Kev Tshawb Nrhiav, los ntawm kev coj rau txhua tus neeg yam uas muaj kev muab saib siab thiab muab kev tawm suab los sis kev sib hwm rau lawv, coj ncaj nruab nrab rau ob tog nyob rau hauv lawv qhov kev ua kev txiav txim, thiab kev ua hauj lwm los tsim kev ntseeg siab.

2. Qhov kev coj ua uas hais los ntawd muaj feem uas yuav tsim lub zej zog kom muaj kev ntseeg siab thiab kev tso siab rau tub ceev xwm, thiab ua kom zej zog muaj kev txaus siab ntxiv los koom tes nrog rau tub ceev xwm txhawm rau ua kom tau raws li cov hom phiaj sib koom txog zej tsoom li kev nyab xeeb.
3. Cov neeg ua hauj lwm yuav piav qhia rau tus neeg uas Raug Tshawb Nrhiav hais txog lub laj thawj qhov Kev Tshawb Nrhiav thiab txoj hauv kev yuav ua qhov Kev Tshawb Nrhiav.

H. Kev Paub Txog Txoj Cai

1. Zoo ib yam nkaus li lwm cov cai, MPD cov neeg ua hauj lwm yuav muaj kev lav ris rau kev nkag siab thiab kev ua cov luag hauj lwm uas tau txais kev muab cob raws li MPD cov cai Kev Tshawb Nrhiav thiab Kev Ywv Khoom (P&P 9-200).
2. Txoj kev cai lij choj xwm txheej uas cuam tshuam rau Cov Kev Tshawb Nrhiav muaj kev hloov pauv yam tsis tu ncuu thiab nce rau kev ntaus nqi los ntawm cov tsev hais plaub. Thaum muaj qhov kev ua xyem xyav tias puas muaj qhov kev zam rau txoj cai teeb tseg rau daim ntawv so cai, cov neeg ua hauj lwm tsim nyog siv sij hawm los thov daim ntawv tso cai.

I. Kev Muab Laj Thawj Kev Tshawb Nrhiav

1. Lub Laj Thawj Uas Yuav Mus Taus thhiab Qhov Kev Ua Xyem Xyav Uas Muaj Zoo Laj Thawj

Qhov Kev Ua Xyem Xyav Uas Muaj Zoo Laj Thawj thiab Lub Laj Thawj Uas Yuav Mus Taus yuav tsum yog saib raws li cov ntaub ntawv tseeg tiag los sis cov kev tsom kwm saib tshwj xeeb thiab tuaj yeem piav qhia tau uas ncaj ncees hais txog txoj hauv kev uas tus tib neeg ntawd coj cwj pwm, tej yam uas tus tib neeg ntawd tau pom los sis hnov tab tom ua, thiab cov xwm txheej tshwj xeeb los sis cov teeb meem uas muaj pov thawj los sis paub los ntawm tus neeg ua hauj lwm.

- a. Cov yam ntxwv fab lub cev ntaj ntsug thiab qhov chaw

- i. Cov yam ntxwv fab lub cev ntaj ntsug ntawm tus neeg ntawd, uas suav nrog cov kev piav qhia txog khaub ncaws hnav raws li ncuu dav los ntawm lawv tus kheej, yog muaj tsis txaus.
- ii. Dhau ntawm, qhov yuav tsum tau txuas cov yam ntxwv ntawd nrog rau lwm feem xyuam, uas suav nrog qhov kev piav qhia tshwj xeeb, tsis raws li ncuu dav uas raug raws li tus neeg uas xav tias muaj kev txhaum los sis cov kev coj cwj pwm uas tau tsom kwm saib ntawm tus neeg ntawd.
- iii. Thaum tsim Qhov Kev Ua Xyem Xyav Uas Muaj Zoo Laj Thawj los sis Lub Laj Thawj Uas Yuav Mus Taus rau qhov Kev Tshawb Nrhiav uas saib raws li tus tib

neeg qhov chaw los sis tus tib neeg haiv neeg, tsav neeg, los sis lwm hom ntaub ntawv qhia txog pej xeeb neeg, cov neeg ua hauj lwm yuav tsum txuas qhov kev piav qhia tus neeg uas xav tias muaj kev txhaum tshwj xeeb thiab meej tseeb nrog rau lub sij hawm thiab qhov chaw uas hais txog tus neeg uas muaj hom ntaub ntawv qhia txog pej xeeb neeg tshwj xeeb.

b. Cov lus qhia uas tsis qhia npe

i. Qhov lus qhia uas tsis qhia npe yuav tsum muaj kev qhia meej tseeb txaus, thiab txhua cov feem xyuam thiab cov xwm txheej yuav tsum qhia qhov kev txaus ntseeg ntawm qhov lus qhia uas yuav tsim ua rau muaj Qhov Kev Ua Xyem Xyav Uas Muaj Zoo Laj Thawj.

ii. Tib qhov kev iab liam tias tus neeg ntawd nqa phom xwb yeej yuav tsis txaus.

2. Cheeb tsam ntawm qhov kev muab laj thawj

Cov neeg ua hauj lwm yuav tsis ua qhov Kev Tshawb Nrhiav dhau ntawm cheeb tsam ntawm qhov kev muab laj thawj them pib rau qhov Kev Tshawb Nrhiav. Tej qhov Kev Tshawb Nrhiav uas tau ua dhauv qhov sijhawm ntawd yuav tsum muaj daim ntawv tso cai los sis lwm qhov kev zam rau txoj cai teeb tseg rau Daim Ntawv Tso Cai Tshawb Nrhiav.

3. Cov ntaub ntawv cuav

Cov neeg ua hauj lwm yuav tsis siv los sis vam khom cov ntaub ntawv uas tau paub tias yog cov ntaub ntawv cuav los sis tsis raug txhawm rau muab laj thawj rau tej hom Kev Tshawb Nrhiav twg.

4. Cov tshwm sim tawm los ntawm Kev Tshawb Nrhiav uas tsis tau txais kev tso cai

Cov khoom los sis cov khoom txhaum cai uas tau nrhiav pom los ntawm qhov Kev Muab Laj Thawj uas tsis tau txais kev tso cai raws li txoj cai no yuav tsis raug siv ua kev muab laj thawj rau qhov Kev Tshawb Nrhiav.

5. Cov kev tshawb pom ncuva sij hawm qhov Kev Tshawb Nrhiav cov xwm txheej uas maj ceev

Cov kev tshawb pom uas tau ua nyob rau ncuva sij hawm qhov Kev Tshawb Nrhiav yam uas tsis muaj ntawv tso cai raws li cov xwm txheem maj ceev tej zaum yuav raug siv los tsim Lub Laj Thawj Uas Yuav Mus Taus rau daim ntawv tso cai.

J. Cov Koob Thaij Uas Nruab Rau Ntawm Lub Cev (Body Worn Cameras, BWCs)

Saib raws li P&P 4-223, yuav tsum tau siv BWC rau Cov Kev Tshawb Nrhiav.

K. Tus Yam Ntxwv Ntawm Ib Leej Neeg Cov Khoom

1. Cov neeg ua hauj lwm yuav ua Cov Kev Tshawb Nrhiav yam uas muaj kev xav txog thiab hwm cov txiaj ntsig ntawm ib leej neeg cov khoom uas muaj tswv ntiag tug thiab nyob rau tus yam ntxwv uas muaj kev puas tsuaj tsawg tshaj plaws.
2. Cov neeg ua hauj lwm yuav tawm ntawm ib leej neeg cov khoomkom ze li ze tau rau nws tus yam ntxwv ua ntej Tshawb Nrhiav.

L. Cov Cuab Yeej Kaw Tseg Ntaub Ntawv

Pej xeeb neeg cov cuab yeej kaw tseg ntaub ntawv thiab cov ntaub ntawv uas muaj nyob rau hauv cov cuab yeej ntawd yuav raug saib xyuas raws li P&P 9-203.

IV. Cov Txheej Txheem/Cov Kev Cai**A. Kev Tshawb Nrhiav Xwm Txheej Txhawm Rau Ntes**

Thaum tus neeg ua hauj lwm muaj Lub Laj Thawj Uas Yuav Mus Taus txhawm rau ua qhov kev ntes rau qhov kev txhaum uas tau cuam tshuam, muaj cai los ua qhov kev ntes, thiab muaj lub hom phiaj los ua qhov kev ntes, ces tej zaum tus neeg ua hauj lwm yuav ua qhov Kev Tshawb Nrhiav xwm txheej yam uas tsis muaj daim ntawv tso cai los ntes, uas suav nrog qhov Kev Tshawb Nrhiav tus tib neeg uas raug ntes thiab cheeb tsam uas nyob rau hauv lawv li kev tswj tam sim ntawd. Qhov kev zam rau Kev Tshawb Nrhiav xwm txheej txhawm rau ntes **tsuas** siv tau rau cov kev ua phem, cov kev ua txhaum loj, thiab cov kev ua txhaum uas muaj lub laj thawj Txoj Kev Cai 6 xwb.

1. Kev tshem tawm ntawm cheeb tsam tswj

Thaum tus neeg raug ntes raug tshem tawm ntawm cheeb tsam thiab raug tsim ua rau tsis tuaj yeem "tswj tau" cov khoom uas nyob rau hauv cheeb tsam ntawd kiag tam sim ntawd lawm, ces tej zaum yuav tsis muaj kev ua qhov Kev Tshawb Nrhiav xwm txheej txhawm rau ntes yam uas tsis muaj ntawv tso cai nyob rau hauv cheeb tsam ntawd mus ntxiv lawm.

2. Kev tshawb nrhiav tus tib neeg

Kev Tshawb Nrhiav xwm txheej txhawm rau ntes yuav suav nrog kev tshawb nrhiav riam phom (P&P 7-201) thiab Kev Tshawb Nrhiav tus tib neeg cov hnab ris. Tej zaum nws kuj yuav suav nrog Kev Tshawb Nrhiav tej cov khoom uas pom nyob rau ntawm tus neeg, thiab kev tshawb cev khaub ncaws me ntsis uas tsis yaws txog ntawm tus neeg ntawd lub pob tais los sis cheeb tsam chaw mos, pob tw, poj niam ob lus mis, los sis ntau tshaj lub duav los sis txheej kaub ncaws sab nrauv.

3. Cov tsheb

Yog tias tus neeg raug ntes yog tus neeg caij los sis tsis ntev los no yog tus neeg caij lub tsheb, ces tej zaum yuav tau ua Kev Tshawb Nrhiav uas muaj ciam txwv ntawm chav thauj neeg ntawm lub tsheb (suav nrog lub npov rau khoom, kem rau khoom ntawm nruab nrab los sis cov taub ntim khoom uas nyob rau ntawd), yog tias muaj ib qhov twg ntawm cov txuas mus no:

- Tsis muaj kev ceev kev ruaj ntseg rau tus neeg raug ntes thiab nyob rau ncuab sib nrug uas ncav cuag chav thauj neeg nyob rau lub sij hawm ua qhov Kev Tshawb Nrhiav.
- Muaj Qhov Kev Ua Xyem Xyav Uas Muaj Zoo Laj Thawj tias qhov Kev Tshawb Nrhiav ntawm chav thauj neeg yuav nthuav cov khoom pov thawj tawm uas tau cuam tshuam rau qhov kev ua phem uas tus neeg caij tsheb raug ntes.

4. Cov chaw nyob

- a. Thaum tus neeg raug ntes nyob rau hauv lub chaw nyob, tej zaum cov neeg ua hauj lwm tsuas Tshawb Nrhiav ntawm cheeb tsam uas muaj qhov kev ntes kiag tam sim ntawd xwb.
- b. Tej zaum cov neeg ua hauj lwm tsuas Tshawb Nrhiav lwm cov cheeb tsam ntawm qhov chaw nyob yog tias muaj ib qho ntawm cov yam ntxwv txuas mus no xwb:
 - Lawv muaj kev ntseeg tau yam uas muaj zoo laj thawj tias muaj kev tso hem thawj rau kev nyab xeeb ntawm tus neeg ua hauj lwm.
 - Lawv muaj kev ntseeg tau yam uas muaj zoo laj thawj tias muaj kev tso hem thawj rau kev nyab xeeb ntawm lwm tus neeg (xws li qhov kev nyiag neeg uas muaj feem tshwm si).
 - Muaj lub hwv tsam yam uas muaj zoo laj thawj uas tus neeg raug ntes yuav khiav tawm los sis rhuav tshem pov thawj.

5. Cov khoom ntiag tug

Tej zaum cov neeg ua hauj lwm tsuas Tshawb Nrhiav cov khoom ntiag tug xws li cov hnab nyiaj, cov hnab ev, los sis lwm cov hnab xwb yog tias tus neeg raug ntes muaj cov khoom ntawd nyob rau ntawm lawv tus kheej tiag thiab nyob rau ntawm lawv tus kheej nkaus xwb ua ntej lub sij hawm ntes.

6. Cov xov tooj ntawm tes

- a. Cov neeg ua hauj lwm yuav tsis Tshawb Nrhiav cov ntaub ntawv dis cis tauj nyob rau hauv tus neeg raug ntes lub xov tooj ntawm tes los sis lwm cov cuab yeej yam uas tsis muaj tus tswv li kev pom zoo los sis daim ntawv tso cai.

- b. Yog tias cov neeg ua hauj lwm nrhiav pom cov xov tooj ntawm tes los sis lwm cov cuab yeej es lev taus niv uas tau muab pov tseg, ces tej zaum lawv yuav Tshawb Nrhiav cov khoom ntawd rau tib lub hom phiaj kev txheeb xyuas tus tswv ntawm qhov khoom xwb. Qhov Kev Tshawb Nrhiav yuav tsum xaus thaum txheeb xyuas tau tus tswv ntawm qhov khoom. Yog tias tus neeg ua hauj lwm saib pom qhov pov thawj ntawm qhov kev ua phem nyob rau hauv lub cuab yeej, ces lawv yuav tsum xaus qhov Kev Tshawb Nrhiav thiab thov daim ntawv tso cai rau lub cuab yeej.

7. Cov kev tshawb nrhiav kev raug ceev cia

- a. Thaum thauj tus neeg raug ceev cia nyob rau lub tsheb tub ceev xwm, cov neeg ua hauj lwm yuav ua kom ntseeg siab tias tus neeg raug ceev cia Raug Tshawb Nrhiav los ntawm tus neeg ua hauj lwm uas ntes neeg thiab tus neeg ua hauj lwm kev thauj mus los ua ntej muab tso rau hauv lub tsheb tub ceev xwm.
- b. Raws li ncuav dav lawm, tus neeg ua hauj lwm kev ntes neeg thiab tus neeg ua hauj lwm kev thauj mus los ob leeg tib si tsim nyog ua qhov kev tshawb nrhiav.
- c. Tus neeg ua hauj lwm kev thauj mus los yuav ua kom ntseeg siab tias lub tsheb thauj mus los raug kuaj seb puas muaj tej khoom uas tau muab tso tseg rau hauv lub tsheb lawm ua ntej tso tus neeg raug ceev cia mus rau hauv lub tsheb thiab kuaj ib zaug ntxiv tom qab tshem tus neeg raug ceev cia tawm ntawm lub tsheb.
- d. Yog tias pom muaj tej yam pov thawj dab tsi nyob rau hauv lub tsheb, ces tus neeg ua hauj kev thauj mus los yuav ua kom ntseeg siab tias tau muab nws khaws cia raws li P&P 10-400 lawm.

B. Cov Kev Tshawb Nrhiav Kev Ntsia Pom Raws Li Ib Txwm

1. Qhov kev zam kev ntsia pom raws li ib txwm yuav siv tau thaum tus neeg ua hauj lwm tshawb pom yam khoom txhaum cai los sis pov thawj yam uas tsis yog txhob txwv tom qab muaj kev tsoo nkag yam uas raug raws li kev cai lij choj mus rau hauv cheeb tsam uas tau txais kev pov thaiv raws cai, xws li qhov chaw nyob los sis lub tsheb.
2. Tus neeg ua hauj lwm yuav tsum muaj Lub Laj Thawj Uas Yuav Mus Taus uas ntseeg tias qhov khoom nyob rau hauv kev ntsia pom raws li ib txwm yog yam khoom uas txhaum cai los sis pov thawj, thiab lawv yuav tsum paub zoo kiag tam sim ntawd.
3. Thaum muaj kev tshawb pom qhov khoom yam uas tsis yog txhob txwm, tej zaum cov neeg ua hauj lwm yuav muaj Lub Laj Thawj Uas Yuav Mus Taus uas yuav los thov daim ntawv tso cai rau qhov Kev Tshawb Nrhiav kom mee ntxiv.

C. Lub Laj Thawj Uas Yuav Mus Taus Ntawm Cov Kev Tshawb Nrhiav Cov Tsheb

1. Yog tias tus neeg ua hauj lwm muaj Lub Laj Thawj Uas Yuav Mus Taus uas yuav ntseeg tias lub tsheb muaj pov thawj ntawm qhov kev ua phem los sis yam khoom txhaum cai

ntawm Kev Tshawb Nrhiav lub tsheb, ces tej zaum tus neeg ua hauj lwm yuav Tshawb Nrhiav tau lwm qhov chaw nyob rau hauv lub tsheb uas tej zaum yuav pom qhov pov thawj los sis qhov khoom txhaum cai, tshwj tsis yog lub pob tw tsheb los sis cov thawv ntim khoom uas tau xauv lawm. Cov kev tshawb nrhiav lub pob tw tsheb thiab cov thawv tim khoom uas tau xauv lawm yog yuav tsum muaj daim ntawv tso cai. Cheeb tsam tuaj yeem suav tau nrog cov thawv ntim khoom uas tsis xauv uas tau cuam tshuam nyob rau hauv lub tsheb yam uas tsis quav ntsej txog kev ua tswv ntawm cov thawv ntim khoom ntawd.

2. Ua ntej ua qhov Kev Tshawb Nrhiav uas muaj feem tsim ua rau muaj kev phom sij uas yuav muaj kev puas tsuaj rau lub tsheb, xav kom cov neeg ua hauj lwm ua kom ntseeg siab tias muaj daim ntawv tso cai, thaum ua tau.
3. Cov neeg ua hauj lwm yuav tsum tsis ua qhov Kev Tshawb Nrhiav yam uas tsis muaj ntawv tso cai rau lub tsheb uas nyob rau hauv txoj kev tsheb los sis nyob rau hauv vaj loog ntawm lub tsev (cheeb tsam ib ncig ze lub tsev).

D. Xwm Txheej Ceev Fab Kev Kho Mob/Kev Cawm Txoj Sia

Qhov yuav tsum tau pov thaiv los sis cawm txoj sia los sis zam kev raug mob loj tej zaum yuav muab laj thawj rau qhov Kev Tshawb Nrhiav los sis qhov kev nkag mus rau hauv lub chaw nyob los sis lub tuam tsev uas tsis yog zej tsoom li uas muaj qhov kev vam khom kev ntiag tug yam uas muaj zoo laj thawj uas yuav tsis muaj kev txhaum cai lij choj yog tias tsis muaj xwm txheej ceev.

Nws yog qhov tseem ceeb uas yuav tsum tau nco tias txawm tias qhov Kev Tshawb Nrhiav los sis kev nkag mus yuav muaj laj thawj raws li tus qauv thaum muaj xwm txheej ceev los, raws li ncuav dav lawm yeej yuav tsum tau muaj daim ntawv tso cai ua ntej ua kev tshawb xyuas ntxiv los sis ywv qhov pov thawj.

1. Kev Muab Laj Thawj Rau Kev Tshawb Nrhiav

Tej zaum cov neeg ua hauj lwm yuav ua tau qhov Kev Tshawb Nrhiav yam uas tsis muaj ntawv tso cai rau qhov xwm txheej ceev fab kev kho mob los sis cov hom phiaj kev cawm txoj sia thaum:

- a. Tus neeg ua hauj lwm muaj zoo laj thawj, kev ntseeg uas ncaj ncees tias yuav tsum tau muaj kev pov thaiv tam sim ntawd rau cov kev ua neej nyob los sis kev nyab xeeb ntawm lawv tus kheej los sis zej tsoom, los sis tus neeg tshwj xeeb uas xav tau kev pab tam sim ntawd.
- b. Tus neeg ua hauj lwm muaj lub hauv paus yam uas muaj zoo laj thawj, kev nkag tau ze rau Lub Laj Thawj Uas Yuav Mus Taus, txhawm rau txuas qhov xwm txheej ceev nrog rau qhov chaw uas yuav Raug Tshawb Nrhiav.

- c. Tus neeg uas muaj zoo laj thawj nyob rau hauv tib xwm txheej yuav muaj kev ntseeg zoo ib yam nkaus tias muaj qhov kev xav tau kev pab tam sim ntawd.
 - d. Qhov Kev Tshawb Nrhiav yuav tsum ua yam uas tsis muaj kev txhawb dej siab los sis xav kom tshawb pom pov thawj los sis ua qhov kev ntes.
 - e. Cov neeg ua hauj lwm yuav tsis ua qhov Kev Tshawb Nrhiav li qhov uas ua kev tshawb xyuas.
2. Tus neeg tsaus muag

Cov neeg ua hauj lwm yuav tsum tsa tus neeg tsaus muag uas tau ua xyem xyav kom hnov tso ua ntej ua qhov Kev Tshawb Nrhiav. Kev tsaus muag uas tau ua xyem xyav nkaus xwb yuav tsis ua rau muaj kev ntseeg tau yam muaj zoo laj thawj, muaj kev ncaj ncees tias xav tau kev pab tam sim ntawd.

3. Kev Xaus Kev Tshawb Nrhiav

Cov neeg ua hauj lwm yuav xaus qhov Kev Tshawb Nrhiav tam sim ntawd thaum qhov xwm txheej ceev xaus los sis tshem tawm lub laj thawj rau qhov kev tshawb xyuas uas tsis yog kev ua phem.

E. Kev Rhuav Tshem Pov Thawj

Thaum cov neeg ua hauj lwm muaj qhov kev ntseeg tau yam uas muaj zoo laj thawj tias qhov pov thawj ntawm qhov kev ua phem tab tom yuav raug muab tshem tawm los sis raug rhuav tshem, ces tej zaum cov neeg ua hauj lwm yuav ua kev nkag yam uas tsis muaj ntawv tso cai mus rau hauv qhov chaw nyob los sis lub tuam tsev uas tsis yog zej tsoom li uas muaj qhov kev vam khom txog kev ntiag tug yam uas muaj zoo laj thawj.

1. Yog tias tau ua kev nkag mus txhawm rau pov thaiv qhov kev rhuav tshem pov thawj, tshwj tsis yog nyob rau hauv cov xwm txheej tshwj xeeb xws li kev phom sij rau cov neeg ua hauj lwm los sis zej tsoom, ces cov neeg ua hauj lwm yuav tsis txeeb qhov pov thawj los sis qhov khoom txhaum cai.
2. Cov neeg ua hauj lwm yuav ceev kev ruaj ntseg ntawm lub chaw thiab qhov pov thawj, ceev qhov chaw uas muaj xwm txheej uas suav nrog txhua tus neeg nyob rau hauv thaum tso cai rau cov neeg nyob rau hauv tawm yog tias lawv xav tawm, thiab tos kom daim ntawv tso cai tshawb nrhiav tuaj txog.

F. Maj Caum Qab

Tej zaum cov neeg ua hauj lwm yuav nkag mus rau hauv qhov chaw nyob los sis lub tuam tsev uas tsis yog zej tsoom li uas muaj qhov kev vam khom txog kev ntiag tug yam uas muaj zoo laj thawj yog tias lawv "maj," los sis "rawm" caum tus neeg uas xav tias tau ua phem uas khiav tawm.

1. Saib raws li Tsab Cai MN tshooj 626.69:
 - a. Dhau li no lawm qhov no kuj suav nrog "qhov kev caum tus neeg uas xav tias tau ua qhov kev ua phem uas tau xav tseg, txawm tias tsis muaj qhov kev ua phem tiag los xij, yog tias muaj zoo laj thawj uas ntseeg tias tau muaj kev ua phem."
 - b. "Qhov kev maj caum, raws li tau siv nyob rau ntawd, tsis txhais tias yog yuav tsum caum kiag tam sim ntawd xwb, tab sis yog qhov kev caum uas tsis muaj qhov qeeb yam uas tsis muaj zoo laj thawj."
2. Yuav tsis tso cai rau cov neeg ua hauj lwm ua qhov kev maj caum yam uas tsis muaj ntawv tso cai thaum uas tsuas muaj Lub Laj Thawj Uas Yuav Mus Taus tawm kev txhaum me xwb. Cov piv txwv ntawm cov kev ua txhaum suav nrog DUI, cov kev txhaum fab kev khiav tsheb mus los, cov kev yuam cai nyob hmo ntuj lig, cov kev txhaum uas hais ub hais no, thiab cov kev yuam cai uas tus neeg yuav tsis raug ntes.
3. Cov feem xyuam uas yuav tau ua zoo saib nyob rau hauv kev ua qhov kev nkag mus muaj xws li:
 - Seb qhov kev ua phem puas cuam tshuam rau qhov kev ua phem uas yog ntaus.
 - Seb puas muaj lub hauv paus yam uas muaj zoo laj thawj uas ntseeg tias tus neeg xav tias muaj kev txhaum muaj riam phom.
 - Seb puas muaj lub hauv paus yam uas muaj zoo laj thawj uas ncaj ncees uas ntseeg tias tus neeg xav tias muaj kev txhaum tau tsim qhov kev ua phem.
 - Txawm yog hais tias muaj qhov qhia tau tias tus neeg raug liam nyob rau qhov chaw no.
 - Seb puas muaj lub hauv paus yam uas muaj zoo laj thawj uas ncaj ncees uas ntseeg tias muaj feem uas tus neeg xav tias muaj kev txhaum yuav khiav tawm yog tias tsis ntes kom sai.
 - Txawm yog tias tub ceev xwm qhia lawv tus kheej rau tus neeg raug liam thiab muaj txoj hmoo rau nws nyoo ua ntej qhov lawd nkag mus.
 - Seb puas ua qhov kev nkag mus yam uas muaj kev thaj yeeb.

G. Kev pom zoo

1. Tsis Muab Kev Pom Zoo Rau Qhov Cov Kev Tshawb Nrhiav rau lub sij hawm nres

Cov neeg ua hauj lwm yuav tsis ua qhov Kev Tshawb Nrhiav uas saib raws li kev pom zoo ncau sij hawm lav tus neeg taug kev los sis lub tsheb nres. Tej zaum cov neeg ua hauj lwm tsuas ua qhov Kev Tshawb Nrhiav ncau sij hawm lav tus neeg taug kev los sis lub tsheb nres xwb yog tias muaj lub hauv paus rau qhov Kev Tshawb Nrhiav dhau ntawm kev pom zoo.

2. Yuav tsum tau muaj Qhov Kev Ua Xyem Xyav Uas Muaj Zoo Laj Thawj

Txhawm rau thov ua Kev Tshawb Nrhiav raws li kev pom zoo ntawm tus neeg los sis tus neeg cov khoom los ua pov thawj ntawm qhov kev ua phem, cov neeg ua hauj lwm yuav tsum muaj ob qho txuas mus no tib si:

- a. Qhov Kev Ua Xyem Xyav Uas Muaj Zoo Laj Thawj tias tau muaj kev ua phem.
- b. Qhov Kev Ua Xyem Xyav Uas Muaj Zoo Laj Thawj tias tus neeg ntawd tau cuam tshuam rau qhov kev ua phem los sis muaj pov thawj ntawm qhov kev ua phem, los sis qhov chaw uas yuav raug tshawb nrhiav muaj pov thawj ntawm qhov kev ua phem.
- c. Yog tias tus neeg ua hauj lwm muaj Qhov Kev Ua Xyem Xyav Uas Muaj Zoo Laj Thawj tias tau muaj kev ua phem, thiab muaj Qhov Kev Ua Xyem Xyav Uas Muaj Zoo Laj Thawj tias tus neeg ntawd tau cuam tshuam rau qhov kev ua phem los sis muaj pov thawj ntawm qhov kev ua phem los sis qhov chaw uas yuav raug tshawb nrhiav muaj pov thawj ntawm qhov kev ua phem, ces tej zaum tus neeg uas muaj cai muab kev pom zoo yuav muab kev pom zoo rau qhov Kev Tshawb Nrhiav yam uas tsis muaj ntawv tso cai uas muaj cheeb tsam tau teeb tseg thiab tej zaum yuav thim tau lawv qhov kev pom zoo thaum twg los tau.

3. Lub peev xwm muab kev pom zoo

- a. Ua ntej ua qhov kev tshawb nrhiav raws li pom zoo, cov neeg ua hauj lwm yuav tsum muaj kev ncj ncees uas txiav txim seb tus neeg uas muab kev pom zoo puas muaj peev xwm muab tau kev pom zoo.

Cov feem xyuam uas yuav tau ua zoo saib rau muaj xws li:

- Hnub nyoog.
 - Lub peev xwm rau kev nkag siab.
 - Kev kawm ntawm tus tib neeg.
 - Kev quab yuam fab lub cev ntaj ntsug thiab fab siab ntsws uas tseeb tiag los sis tau paub.
 - Kev tsim txom.
- b. Yog tias tus neeg ntawd thov kev piav qhia ntxiv ntawm lawv cov kev muaj cai los sis yog tias pom tias tus neeg uas muab kev pom zoo muaj kev nyuaj uas nyeem thiab nkag siab lawv cov kev muaj cai, ces cov neeg ua hauj lwm yuav tsum piav qhia kom txog thaum tus neeg ntawd lees paub lawv li kev nkag siab txhij txhua qhov kev pom zoo.
 - c. Yog tias muaj, cov neeg ua hauj lwm yuav tau muab cov kev pab cuam uas yuav tsum tau muaj uas saib raws li P&P 7-1001 Kev Txawj Lus Askiv Uas Muaj Ciam Txwv

(Limited English Proficiency, LEP) thiab P&P 7-1002 Kev Sib Txuas Lus Nrog Rau Cov Neeg Uas Tsis Hnov Lus los sis Hnov Lus Tsis Zoo.

- d. Cov kev tshawb nrhiav raws kev pom zoo uas cuam tshuam rau cov tub ntxhais hluas los kuj yuav ua raws li 8-106 Kev Tshawb Nrhiav thiab Kev Ywv Tub Ntxhais Hluas

4. Kev muaj cai nyob rau hauv lub vaj tsev

Qhov kev pom zoo tsuas muab tau los ntawm tus neeg uas ua hauj lwm muaj lub peevxwm ua tau tus qauv, lossis tus neeg ntawm muaj lub peevxwb txhawj piav qhia kom meej, thiaj li muaj hwjchim muab Kev Pom Zoo los mus tshawb cov khoom.

- a. Yog tias muaj ob tus neeg los sis tshaj ob tug neeg muaj hwjchim kav khoom thiab tsis sib nkag siab rau qhov pom zoo hais txog kev tso cai rau Kev Tshawb Nrhiav, ces yuav tsis muaj Kev Tshawb Nrhiav raws li kev pom zoo.
 - i. Qhov no suav nrog cov xwm txheej uas tus niam txiv muab kev tso cai rau kev tshawb nrhiav tab sis tus tub ntxhais hluas tsis kam muab kev tso cai rau kev tshawb nrhiav cov cheeb tsam ntawm lub tsev uas nyob rau qab tswj hwm ntawm tus tub ntxhais hluas, xws li tus tub ntxhais hluas chav, lub tub rau khaub ncaws, los sis cov hnab uas tau ntim cia rau hauv tsev.
 - ii. Txhua cov neeg sib koom nyob ua ke (phooj ywg sib koom chav nyob) los sis cov khub lag luam uas muaj yuav tsum tau muab lawv li kev pom zoo los ntawm kev lees txais ua ntej qhov kev tshawb nrhiav. Qhov kev pom zoo rau kev tshawb nrhiav yuav tsis tau txais kev tso cai yog tias muaj ib tug neeg sib koom nyob ua ke los sis tus khub lag luam tsis kam muab qhov kev pom zoo, txawm tias lwm tus muab kev tso cai lawm los xij.
- b. Cov tswv tsev tsis tuaj yeem muab tau kev pom zoo rau kev tshawb nrhiav yog tias daim ntawv xauj los sis daim ntawv cog lus xauj tseem siv tau.
- c. Qhov kev pom zoo yuav muaj kev siv tau yog tias tus neeg thib peb uas muab kev pom zoo muaj cai sib luag nyob rau hauv txoj lag luam los sis qhov chaw nyob thiab tuaj yeem xaus lus tau tias tus neeg uas tsis tuaj yog raug xam ua qhov kev pheej hmoo uas tej zaum tus neeg sib koom nyob ua ke (tus phooj ywg sib koom chav nyob) yuav tso cai rau qhov kev tshawb nrhiav.

5. Cheeb tsam ntawm qhov kev pom zoo

- a. Thaum thov qhov kev pom zoo, yuav tsum muaj kev teeb tseg cheeb tsam ntawm qhov Kev Tshawb Nrhiav thiab tej zaum yuav muaj ciam txwv nyob rau tej txoj hauv kev uas tus neeg ntawd xav tau.

- b. Yog tias qhov Kev Tshawb Nrhiav ntau tshaj li cheeb tsam uas tau txais kev tso cai, ces nws yuav tsum muaj laj thawj los ntawm lwm qhov kev zam los sis yuav yog kev txhaum cai lij choj.

6. Kev tsis kam muab kev pom zoo

Tus neeg ua hauj lwm uas thov kev pom zoo yuav tsum piav qhia uas muaj kev lees txais tias tus neeg ntawd muaj cai tsis kam muab, txwv, thiab thim kev pom zoo thaum twg los tau uas tus neeg ntawd yuav tsis raug rau txim los sis raug ceev cia mus ntxiv yog tias lawv tsis kam muab.

- a. Cov neeg ua hauj lwm yuav tsis siv tus neeg ntawd qhov kev tsis kam muab kev pom zoo rau Kev Tshawb Nrhiav ua ib feem yuam nyob rau hauv kev tsim Qhov Kev Ua Xyem Xyav Uas Muaj Zoo Laj Thawj los sis Lub Laj Thawj Uas Yuav Mus Taus.
- b. Cov neeg ua hauj lwm yuav tsum tsis hais qhia rau tus neeg ntawd tias kev tsis kam muab kev pom zoo yuav tsim ua rau muaj cov tshwm sim tawm los tsis zoo xws li kev raug ntes los sis txeeb lawv cov khoom yam uas tsis muaj ntawv tso cai.

7. Kev thim kev pom zoo

Tej zaum tus neeg uas muab kev pom zoo yuav cheem qhov Kev Tshawb Nrhiav thaum twg los tau thiab yuav tsum tuaj yeem sib txuas lus tau lawv qhov kev cheem qhov Kev Tshawb Nrhiav.

Yog tias tau pib qhov Kev Tshawb Nrhiav raws li kev pom zoo lawm, tab sis tag ntawd tus neeg ntawd txiav txim thim lawv qhov kev pom zoo:

- a. Tus neeg ua hauj lwm yuav tsum tso tseg qhov Kev Tshawb Nrhiav tam sim ntawd tshwj tsis yog muaj lwm qhov kev zam rau txoj cai teeb tseg rau Daim Ntawv Tso Cai Tshawb Nrhiav.
- b. Tus neeg ua hauj lwm yuav tsum tsis siv cov kev tso hem thawj los sis lwm cov kev yuam kom tau txais los sis txhawb zog rau tus neeg ntawd kom tsis txhob thim qhov kev pom zoo.
- c. Txawm tias yuav muaj kev thov kom xa cov khoom rov qab los, tej zaum tus neeg ua hauj lwm yuav khaws ceev khoom los ua pov thawj raug raws li kev cai ua ntej daim ntawv thim kev pom zoo.

8. Kev kaw tseg kev pom zoo

Cov neeg ua hauj lwm yuav kaw tseg tus neeg uas muab kev pom zoo nrog rau lawv lub BWC los sis los ntawm lwm txoj hauv kev kaw suab thiab vis dis aus MPD uas tau txais kev pom zoo.

9. Kev Ua Ntaub Ntawv

a. Cov neeg ua hauj lwm yuav sau tseg rau hauv Daim Ntawv Tshaj Tawm Ntawm Tub Ceev Xwm:

- Cov xwm txheej uas ua rau muaj Qhov Kev Ua Xyem Xyav Uas Muaj Zoo Laj Thawj rau qhov kev tshawb nrhiav.
- Txoj hauv kev tau txais kev pom zoo (los ntawm ncauj, sau ua ntaub ua ntawv los sis ob yam tib si).
- Txoj hauv kev tau ua qhov kev tshawb nrhiav.
- Seb tau ywv dab tsi ncuaj sij hawm tshawb nrhiav.
- Qhov chaw muaj tej qhov pov thawj uas tau tshawb pom, thiab lub npe tus neeg ua hauj lwm uas tau pom thiab tau ywv qhov pov thawj.
- Seb qhov kev tshawb nrhiav puas tsim ua rau raug ntes.

H. Khoom Muaj Sau Tseg Cia

1. Lub Hom Phiaj Ntawm Kev Tshawb Nrhiav Khoom Muaj Sau Cia

- a. Cov Kev Tshawb Nrhiav Khoom Muaj Sau Tseg Cia tsis yog Cov Kev Tshawb Nrhiav xwm txheej los ntes. Lawv yog cov muaj kev kav tswj ua yeej yog lawd tes dejnum thiab yuav tsum tau ua:
- i. Txhawm rau pov thaiv thiab rau npe rau qhov khoom ntawm tus neeg uas raug ntes los sis qhov khoom nyob rau hauv lub tsheb uas raug ywv.
 - ii. Pov thaiv tus neeg ua hauj lwm thiab MPD los ntawm cov ntawv thov cuav.
 - iii. Cais cov khoom muaj kev phom sij tawm ntawm MPD los sis Tsev Txim.
- b. Cov Kev Tshawb Nrhiav Khoom Muaj Sau Cia tsis yog yam los hloov kev thov daim ntawv tso cai kev tshawb nrhiav los sis kev pom zoo.

2. Kev nyob ze ib cheeb tsam

Cov Kev Tshawb Nrhiav Khoom Muaj Sau Cia ntawm ib leej neeg twg cov khoom los sis ib leejtwg lub tsheb yuav tsum tshwm sim kom ze li ze tau rau lub sij hawm txhawm rau tso tus neeg uas raug ntes rau hauv qhov chaw uas muaj kev ruaj ntseg los sis kev ceev lub tsheb.

3. Thaum yuav tsum tau muaj Cov Kev Tshawb Nrhiav Khoom Muaj Sau Cia

Yuav tau tsum ua Cov Kev Tshawb Nrhiav Khoom Muaj Sau Cia rau txhua lub tsheb uas raug ceev, tagnrho ib leej neeg cov khoomuas raug ceev khaws cia zoo zoo, thiab muab tagnrho cov khoom uas nrog tus neeg raug ntes tso rau hauv lub chaw uas muaj kev ruaj ntseg, tshwj tsis yog nyob rau hauv cov xwm txheej no xwb:

- a. Cov tsheb uas tau xauv yuav raug xam tias yog lub tsheb uas muab kaw khov lawm thiab yuav tsum tsis muaj kev ua Kev Tshawb Nrhiav Khoom Muaj Sau Cia.
- b. Yuav tsum tsis ua Cov Kev Tshawb Nrhiav Khoom Muaj Sau Cia rau cov khoom los sis cov tsheb uas xam tias yog pov thawj thiab yuav tsum tsis raug kov thaum tos daim ntawv tso cai tshawb nrhiav.
- c. Yog tias neeg raug ntes muaj cai rau qhov nyiaj lav tos tuaj txiav txim, ces qhov Kev Tshawb Nrhiav Khoom Muaj Sau Cia yuav raug ncuu mus kom txog tom qab tus neeg raug ntes muaj lub hwv tsam xa qhov nyiaj lav tos tuaj txiav txim.

I. Kev sau tseg qhov Kev Tshawb Nrhiav

1. Tsis muaj hom lus uas muaj tseg ua ntej lawm
 - a. Cov neeg ua hauj lwm yuav tsis siv hom lus uas muaj tseg lawm ib hom nkaus xwb thaum piav qhia lub hauv paus rau qhov Kev Tshawb Nrhiav.
 - b. Cov neeg ua hauj lwm yuav siv hom lus tshwj xeeb thiab hom lus piav qhia ua ib leeg rau tus neeg uas Tau Tshawb Nrhiav thiab cov xwm txheej ntawm qhov Kev Tshawb Nrhiav txhawm rau piav qhia lub hauv paus ntawm qhov Kev Tshawb Nrhiav. Qhov kev yuav ntaub ntawv ntxiv yog nyob ntawm qhov xwm txheej seb nyuaj npaum li cas.

2. Yuav tsum tau muaj kev tshaj tawm

Tom qab qhov Kev Tshawb Nrhiav yam uas tsis muaj ntawv tso cai, tus neeg ua hauj lwm yuav tau ua kom tiav Daim Ntawv Tshaj Tawm Ntawm Tub Ceev Xwm, thiab yuav tsum muaj cov ntaub ntawv txuas mus no:

- a. Qhov kev piav qhia uas muaj kev qhia meej tseeb txog cov xwm txheej uas tau tsim ua rau muaj qhov Kev Tshawb Nrhiav, uas suav nrog cov ntaub ntawv tseeb tiag uas tau tsim Lub Laj Thawj Uas Yuav Mus Taus rau qhov Kev Tshawb Nrhiav.
- b. Qhov tshwm sim tawm los ntawm Kev Tshawb Nrhiav, uas suav nrog qhov tias seb puas pom dab tsi, thiab daim ntawv piav qhia txhij txhua txog tej yam uas tau tshawb pom.

J. Kev Puas Tsuj Rau Khoom Vaj Tsev

Yog tias muaj kev puas tsuaj rau khoom vaj tsev (xws li rau lub tuam tsev los sis lub tsheb), ces yuav tshwm sim muaj cov txuas mus no:

1. Tus thawj coj saib xyuas hauj lwm yuav tsum tau txais kev ceeb toom.
2. Yuav tsum tau thaj cov duab kaw tseg tej cov kev puas tsuaj uas tau paub.

3. Yog tias tau muaj kev yuam nkag mus ua kev tshawb nrhiav los ntawm cov rai los sis cov qhov rooj sab hauv los sis sab nrauv, ces daim ntawv tshaj tawm yuav tsum muaj lub npe ntxiv tias FENTRY.

K. Kev Tshab Xyuas Qhov Kev Saib Xyuas Ntawm Cov Kev Tshawb Nrhiav

1. Cov thawj coj saib xyuas hauj lwm yuav tshab xyuas txhua Daim Ntawv Tshaj Tawm Ntawm Tub Ceev Xwm rau Cov Kev Tshawb Nrhiav rau cov kev muaj txhij txhua thiab kev ua raws li MPD txoj cai thiab kev cai lij choj.
2. Qhov kev tshab xyuas no yuav tau ua kom tiav nyob rau hauv 72 teev tom qab qhov Kev Tshawb Nrhiav tshwj tsis yog qhov kev tshab xyuas pom muaj tej yam zoo tsis txaus thiab yuav tsum tau muaj kev tshawb xyuas ntxiv, los sis kev nqis tes hloov kho.
3. Tus thawj coj saib xyuas hauj lwm uas ua qhov kev tshab xyuas yuav sau tseg thiab tshaj tawm:
 - a. Cov Kev Tshawb Nrhiav uas pom tias tsis tau txais kev pab txhawb los ntawm Qhov Kev Ua Xyem Xyav Uas Muaj Zoo Laj Thawj los sis Lub Laj Thawj Uas Yuav Mus Taus uas yuav tsum tau muaj, uas suav nrog cov xwm txheej uas cov neeg ua hauj lwm qhia tias muaj laj thawj txaus rau qhov Kev Tshawb Nrhiav uas saib raws li cov ntaub ntawv los sis pov thawj uas tau tshawb pom tom qab tau pib qhov Kev Tshawb Nrhiav, los sis tias yog kev yuam MPD txoj cai los sis kev cai lij choj.
 - b. Cov kev lav kom nres los sis cov kev tshawb nrhiav uas, thaum ua raws li kev cai lij choj thiab txoj cai, qhia txog qhov kev xav tau qhov kev nqis tes hloov kho los sis kev tshab xyuas lub chaw sawv cev txoj cai, lub tswv yim, kev tawm tswv yim, los sis kev cob qhia.
 - c. Hom lus uas "tau muaj tseg ua ntej" los sis hom lus siv ua kev xaus lus, cov ntaub ntawv uas tsis sib raug, kev tu ncuu cov lus piav qhia txog lub hauv paus rau kev nqis tes raws li kev cai lij choj, los sis lwm cov kev taw qhia tias tej zaum cov ntawv tshaj tawm los sis cov foos yuav muaj cov ntaub ntawv uas tsis raug nyob rau lub sij hawm uas nws raug tshaj tawm.
 - d. Qhov kev tu ncuu ntawm kev paub meej rau ib tes haujlwm thiab muaj kev koom tes nrog MPD txhua tus neeg ua hauj lwm, uas qhia tau meej tias tus neeg ua hauj lwm twg pom los sis hnov cov ntaub ntawv los sis tau koom nrog rau los sis tau pom ib tus neeg muaj kev koom uas ib tus yam ntxwv los sis ua tej yam tiav.
4. Yog tias muaj kev tsim nyog rau kev ntsuam xyuas ib qhov ntawm cov feem xyuam xyaw uas yuav tsum tau muaj raws li phim, ces tus thawj coj saib xyuas hauj lwm los sis tus Lieutenant yuav tshab xyuas daim vis dis aus ntawm lub khoob thajj uas ruab rau ntawm lub cev (BWC) uas cuam tshuam.

5. Yog tias muaj kev tsim nyog saib raws li qhov kev tshab xyuas, ces tus thawj coj saib xyuas hauj lwm yuav ua qhov kev xa txuas mus rau Lub Chaw Saib Xyuas Hauj Lwm Sab Hauv.

QAUW